

Zeitschrift: Die Berner Woche
Band: 34 (1944)
Heft: 2

Artikel: Ds Musterbuebli
Autor: Dietiker, Walter
DOI: <https://doi.org/10.5169/seals-633541>

Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

Download PDF: 05.04.2026

ETH-Bibliothek Zürich, E-Periodica, <https://www.e-periodica.ch>

Ds Musterbuebli

« So chömet jetz, Chinder », het der Petrus zu-n-ere Schar Aengel i schneewysse Hemmeli und mit flumige Flügel gseit, « und sid rächt brav und wenn ech der Liebgott öppis fragt, so gäbet ihm offe Bscheid ». Und wo du alli vor em Liebgott gschtande si, het der Petrus hübscheli d'Türe hinter sich zuezoze und gmeint: « Aer hät se wohl no uf der Wält unde dörfe la si, die arme Chind, was sölle die da obe? » Und isch sich mit dem Dumerügge über d'Ouge gfare.

Im Himmeli inn aber het der Liebgott die Aengel fründlech gmuschteret, so dass es däne ganz warm wordenisch um ds Härz. Es Buebli het zumene andere gmeint: « Ganz wie mi Grossvater! »

« He nu, Chinder », het der Liebgott du gseit, « i weiss wohl, es isch kes schlächts under ech. Aber vilicht het doch öppe-n-eis uf der Wält einisch öppis gmacht, wo nid hät sölle vorcho. Was hesch du öppe-n-uf em Gwüsse? », chehrt er sich zum nächste Buebli.

Das isch ganz schtill da gschtande, nume die fine Flügel hei hübscheli zitteret: « I ha mängisch d'Grossmueter i de-n-Ohre gchuzelet, we si uf em Ofetritt igschlaf-n-isch. »

Dem Herrgott sini Mulegen si läbig worde, aber scho isch er bim zwöite Buebli gschtande-n und het ne fründlech unterem Chini gno: « Und du? »

« Liebe Gott », het es rots Müli gantwortet, « i ha nume hie und da ne Fürtüfel gmacht. Im Himmeli la-n-is gwüss jetz la si. »



« Scho guet », seit der Herrgott, « setigi cha-n-i keini bruuche... »

Aber du, Lineli, bisch gwüss ganz es liebs gsi, oder? »

Das blonde Meiteli het scho nassi Ouge gha.

« Nei, Liebgott, i ha einisch... ha einisch... ds Ruebett uftrönnt, wo-n-i e Zitlang bi elei i der Schtube gsi. Es isch drum... so... längwilig... gsi... »

Jetz het der Liebgott wieder fasch müesse lache: « So so, ds Ruebett hesch uftrönnt? Di Mueter wird grossi Ouge gmacht ha, wo sie wieder ine cho isch. »

« Und du, schwarze Chruselichopf? Wie heissisch du scho? »

« Ruedi heisse-n-i; aber si säge mer nume der Chatzemaler. »

« Was! Chasch du so guet Chatzemale? »





« Es isch nid wäge däm », het der Ruedi gseit, « i ha nume-n-einisch üses Büüssi blau agschtriche, wo mer der Maler hei uf der Schtör gha. »

Der Liebgott het z'grächtem müesse lache. Und der ganz Himmeli het glachet, dass fasch d'Sunne-n-i Plamp cho isch.

Wo du der Herrgott wieder chly zue sich sälber isch cho gsi, het er ds letschte Buebli zue sech gwunke. Das aber het nie d'Grossmueter gchuzelet, nie ne Fürtüfel gmacht, nie nes Ruebettli uftrönnt und nie nes Büüssi blau agschtriche. Nid en einzigi Dummheit het dä Kärli gwüst z'erzelle — und isch doch sir Läbtig e gesunde, scharche Bursch gsi!

Und der Liebgott het ne-n-a-gluegt, lang, lang, ärnscht, fasch truurig...

Walter Dietiker.



1 In dieser Baracke werden die dicken Schieferplatten gespalten und bis zu den kleinen Rohplatten verarbeitet, alles in mühsamer, viel Fertigkeit erfordernden Handarbeit. **2** Tief im Bergesinnern frisst sich die Säge knirschend in das jahrtausend alte Gestein. **3** Der Spalter, wie der Mann genannt wird, hat die Aufgabe, die dicken Schieferplatten zu spalten in immer feinere, bis zu 3 mm Dicke. Diese Arbeit erfordert besondere Handfertigkeit und Feingefühl. **4** Mittelst eines Rollwagens werden die schweren Platten ans Tageslicht heraufbefördert. **5** Links Herr Haug jun., Besitzer einer Grube mit seinem Vorarbeiter. Dank seiner Weitsichtigkeit und dem Willen durchzuhalten wurde bis jetzt noch kein Arbeiter in dieser Grube entlassen. Er, wie auch die andern Exporteure hoffen, dass sich die Exporteinschränkungen in absehbarer Zeit lockern werden. **6** Von der Seilbahn weg wird der Rohschiefer umgeladen und mit dem Fuhrwerk zur Bahnstation gebracht. **7** Hoch oben in den Felsen liegen die Schiefergruben, die oft nur durch schmale Pfade und über Leitern zugänglich sind.

